



Instituto do Petróleo e Geologia – Instituto Público (IPG)

KONFERENSIA DA IMPRENSA

Publika Imediatamente

26 Julho 2019

Informasaun klaru kontaktu

Albino Amaral, Chefe de Unidade Administrasaun Geral e Logistika

Email: amaral@ipg.tl

Office Phone: +670 3310179, Mobile Phone: +670 77262656

IPG FORNESE MAPA JEOLÓJIKU BA KOMUNIDADE IHA SUCO ACULAU, ALDEIA SARE, POSTO ADMINISTRASAUN HATOLIA

Dili, Timor Leste – Komunitade liu-liu iha area rurais sempre sai parseiru ne'ebé importante tebes ba Instituto do Petróleo e Geologia (IPG), especialmente iha servisu kampu nian, komunitade sira nia prezensa atu fo suporta ba atividade pesquisa jeolojika nian, tantu ba rekursus jeolójikus no mos fenómeno naturais nebe rejistadu iha fatin peskiza nian.

Objetivu husi atividade pesquisa ne'ebé IPG halo mak atu identifika rekursus jeolójikus no rekursus be'e inklui mos ho riskus jeolójikus no ikus mai produz mapa jeolojiku no mapa sira nebe mak relevantes ho fenómenos natureza nian. Atividades sira ne'e hotu IPG realiza hodi responde ba objetivu prinsipal IPG nian, ne'ebé hetan atribuisaun tuir lei organika instituto nian.

Hahu tinan 2017, IPG komesa realiza estudo iha fatin balun nebe kobre mos Suco Aculau, Aldeia Sare, hanesan mos deskreve ona iha atribuisaun organika instituto nian, katak instituto iha dever atu fahe informasaun no distribui mapa jeolojika ba publiku liu-liu iha area no fatin sira nebe mak instituto realiza sira nia servisu ba. Ho ida nee mak instituto liu husi komunikadu imprensa ida nee hakarak informa katak iha:

Loron / Data : **Sexta-feira, 26 de Julho de 2019**

Fatin : **Sede Komunitaria Aldeia Sare, Posto Administrasaun Hatolia**

Horas : **10.00 OTL ate remata**

Iha serimonia ida nee, instituto sei entrega mapa jeolojia, Folha Atabae nebe kobre mos Aldeia Sare, ho eskala 1:25.000, no fahe mos informasaun kona ba existencia instituto nian, liu-liu servisu saída deit mak IPG halo kona ba jeolojia Timor-Leste nian.

Objetivu principal husi atividade ida nee mak atu fo konhesimentu ba comunidades kona ba servisu investigativu instituto nian, ao mesmu tempu fahe informasaun ba comunidade, kona ba importância bo'ot husi estudo jeolojia iha aldeia refere no iha Timor-Leste.

Iha oportunidade ida nee mos alem de entrega mapa jeolójiku, IPG mos fornese apoiu finanseiru ba Grupo Save Verde atu konstrui be'e dalan nune'e bele suporta atividade agrikultura ba comunidade iha area refere. Atividade ida ne'e sei atende husi Presidenti IPG ho nia equipa no ho prezensa Autoridades Lokais, Autoridades Seguransa, representantes Grupo Agricultura Sare Verde no Komunitade iha area refere.

Konaba IPG

Instituto do Petróleo e Geologia – Instituto Público (IPG) hanesan Instituisaun Governo Timor-Leste nian ne'ebé estabelese iha 2012, 18 de Julho liu husi dekretu lei No. 33/2012. Ho objetivu prinsipal mak atu halo investigasaun científica no koleta dados Jeolojia iha Timor-Leste, inklui Gás, Petróleo, Rekursu Minerais, Beé no Rekursu Geologikus seluk. Informasaun liu tan bele visita www.ipg.tl.

###

Rua : Delta 1, Aimutin, Comoro
Dili, Timor Leste
Telf.(670)3310-179
Website:www.ipg.tl